



先秦 — 清末民初

中國野史集成

續編

錢謙題



中國野史集成·續編編委會
四川大學圖書館編

巴蜀書社

中國野史集成·續編編委會
四川大學圖書館 編

·先秦——清末民初·

中國野史集成續編

9

巴蜀書社·中國·成都

目 錄（第九冊）

皇明開國臣傳（皇明史概）		一
皇明遜國臣傳（皇明史概）		二八二
皇明通紀述遺		三八三
明朝小史		七二三

皇明開國臣傳

皇明開國臣傳目錄

第一卷

中山徐武寧王

開平常忠武王

岐陽李武靖王

寧河邵武順王

東甌湯武王

第二卷

黔寧沐昭靖王

宋國馮公

開國臣傳

穎川傅公

韓國李公

僉事王公

叅議權華國公

第三卷

誠意伯劉公

學士宋文憲公

御史中丞章公

叅政陶公

叅政陶公

參政魏公

翰林學士王忠文公附吳雲

參議王公子彥達 附王名善 陳夢

副使經歷熊公附黃政

第四卷

丹陽縣男孫公

南陽郡三集公

高陽郡任許公

富全縣男王公

紹興郡伯胡公

開國臣傳

東丘郡侯花公妻邵氏

永義侯桑公

越國尉武莊公

泗國耿三莊公父廷王第通源通淵

號國俞忠烈公第德慶侯

鄖國廖武閔公附袁義汪典祖

蔡國張忠毅公附程罔勝

梁國趙武桓公附張高陽郡侯韓公 子觀

濟陽侯丁公附雄 附周顯張耀

安國曹忠壯公

崑山孫忠愍侯附孫虎

樂浪濮忠襄公附指揮同知于光劉廣

第五卷

陝國郭宣武公第管國威襄公

蕪國康武襄公第海國襄毅公

江國吳襄烈公

長興侯公

芮國楊武信公附丁玉

黔國吳威毅公濟國丁公

鄆國韓公附國金公

開國臣傳

榮陽侯鄭公

安遠侯蔡武章公

東川侯胡公

淮安侯公

杞國陳定襄公

永嘉侯朱公

永閔薛桓襄公

定遠侯王公

滕國顧襄頌公

許國王襄簡公

汝南侯梅公 附周武

平涼侯費公

河南侯陸公

江夏侯周公 張公

都督僉事馬公 葉公

左都督寧公

都指揮 花公

第六卷

太子少保尚書唐公

起居注范公

開國臣傳 八目錄

太守李公 附梁貞

侍讀學士潘公 子黼

太守王公

東閣大學士吳公 附朱廉徐原 李約

文淵閣大學士朱文恪公

武英殿大學士吳公

尚書大學士劉公

翰林學士朱公 附張樞

蜀府長史陳南賓傳 附周式

尚書司業劉公 附李叔正 梁宏 陳繼光

侍郎司業張公

祭酒宋文恪公 附余廉 吳顯

司業王公

第七卷

尚書學士承旨詹公 附吳琳 呂本

尚書祭酒樂公

尚書崔公 牛公 任公 李公 滕公 周公

端公 程公 錢公 江公 程公 陳公

嚴公

四輔官安公 李公 王公 杜公 李公

開國臣傳 八目錄 王

龔公 趙公 何公 吳公

編修攝御史張公 附王璵

編修孫公

侍制趙公

博士錢公

參政陳公

弘文館學士羅公

侍讀學士知州秦公

侍讀學士張公

郎中知州林公

侍講學士危公

第八卷

副都御史韓公

僉都御史嚴公

侍郎同知劉公

參政彭公

僉事劉公

御史司獄王公

給事中知府方公

太守方公

附錄

議王公

同知羅公

員外郎通判楊公

知州任公

知州羅公

知州吳公

通判詹公

按察使隋公

侍郎閻公

王府副相顧公

同知榻公

知縣道公

主簿徐公

典史青公

縣丞廖公

第九卷

大理卿李公

大理少卿陳公

監察都御史林公

待詔沈公

助教貝公

學錄蕭公

說書王公

知事王公

知縣俞公

修撰縣丞蔣公

訓導蕭公

訓導金公

教諭趙公

胡公

歐陽公

局公

附錄

附錄

附錄

附錄

附錄

附錄

附錄

附錄

附錄

附錄

附錄

附錄

附錄

附錄

附錄

附錄

附錄

附錄

附錄

教授吳公 胡公 附李希別徐公

徵士唐公 趙公 汪公 梁公 陳公 周公

劉公 陶公 宣公 俞公

耆儒陳公 黃公 吳公 王公 附葉子奇

第十卷

參軍王公

同知宋公

王府右相李公 子伯震

給事中王公

經歷孫公

開國臣傳 目錄

林坡黎公

宣達先生黃公

按察使楊公

待郎高公

布政徐公

司丞張公

大使張公

稅使鄧公

更生子錢公 孫昕

鐵笛道人楊公 附楊敬圭

謙齋滕公

滄江散人徐公

雲林倪公 附張介福

醫隱王公 侄溪漁子

楮園王公

竹溪逸民陳公 林清 陳亮 葉願 朱廟辰

樂澹先生唐公 子璧

金粟道人顧公 附沈萬三

旌士王公

鄉耆汪公 附夏宗顯王公 楊公

開國臣傳 目錄

第十一卷

東莞伯何公

知縣王公

司直郎汪公

縣主簿潘公

知府陳公

行省平章王公

行省左丞吳公 附曾萬中

副使吳公

知縣張公

太僕卿朱公

尚書薛公

知府呂公

指揮僉事郭公

尚書等官單公 世公 錢公 劉公 周公

郎中詹公

中書平章李公

指揮僉事左公

行省平章潘公 附李伯昇

六十二卷

開國臣傳 目錄

孝子列傳

朱公

錢公

孫公

祝公

瞿公

伍公

丘公

曾公

陳公

毛公

吳公

朱公

危公

姚公

鮑公

崔公

李公

劉公

陳公

開國臣傳 目錄

楊公

顏公

包公

胡公

第十三卷

義門鄭氏 顧氏

義士何公 張公 楊公 王公

駢義肅公 遺民程公

樂氏兄弟

南湖處士鄭公

白鹿生楊公

永壹周公

樂善王公 鄭公

杜公父子

善士李公 王公

國臣傳

目錄

皇明開國臣傳卷之一

臣朱國禎輯

中山徐武寧王

王名達字天德濠州人世農業長身偉貌剛毅英武居平沉靜不自炫露凡歷履與兵法傳授之槩莫得而名至正癸巳高皇自濠還鄉募兵得七百餘人王來謁上與語奇之曰此大器也留置麾下已歸盡獻七百人于郭子興獨與王等二十四人南略定遠王時年二十二出入必從謀議無不合命爲鎮撫位諸將上從入滁州破元兵上以元政不綱羣雄並起大命應有所開國臣傳卷之一

烏與王禱于天期三月投附多寡爲驗未幾衆雲集日與王訓練精卒可數萬明年乙未取和陽孫德崖之亂上被留幾不免王挺身往代上始得脫王亦脫歸從下僉通海等水寨與蠻子海牙相距走之渡江拔采石搗太平擒陳瑄先釋之海牙既江口別率兵取溧陽溧水斷其肘腋合擊大破之乘勝下集慶路上患諸將擄掠切責欲加罪王率諸將叩頭謝乃赦之王所過秋毫無犯上固知之特欲借王示標由是軍政益肅

上念鎮江係京師後障不即取恐爲張士誠所先江路梗塞勢難展布又新定都未可輕動乃遣王速進兵攻

下之走苗帥完者修平章定定號令嚴明城中安然置
淮興翼元帥府以王領之尋置江南行樞密院晉同僉
院事士誠據常州誘我降將陳保二將窺金陵王敗之
龍潭追至常州請益師得三萬人分軍薄城士誠第平
章士德來援擒之大破其軍進圍常州未下賜書讓之
各奪一官益以兵二萬而新附長興卒七千人叛降士
誠王被圍牛塘常將軍兵至援出之乃復合圍占珍來
援入城以糧少遁去遂下常州湯和守之取馬馱沙轉
攻寧國府破其將謝國璽守臣楊仲英等堅守上自
至乃降復狗宜興別道下常熟已復與邵榮圍宜興使
開國臣傳 卷一 二

丁忠興塞太湖援道宜興下時 上以重兵定發處將
略右浙東諸郡而徐壽輝將趙普勝陷池州復進據樅
楊水寨王率俞通海等擊破之普勝棄舟走又擒其部
將洪鈞等并獲戰艦數百 上得顧意西向無反顧憂
拜奉國上將軍同知樞密院從 上取無爲州王夜掩
浮山寨破趙普勝別將胡總管于青山窮追至潛山復
破斬郭參政下潛山還鎮池州 上諜知陳友諒且犯
池命常將軍以兵來援使使語王友諒旦夕至則重覆
九華山下掩其後可盡取也王奉命友諒至悉銳攻城
賊中兵應之伏發大破其衆斬首萬餘級生獲三千人

常將軍曰此精兵不殺將爲害王不可以狀聞 上
使者天下戰方始多殺何以招來者而常將軍先以衣
阮過半 上不憚悉縱餘者始命王盡護諸將友諒既
陷太平盛兵壓建康 上設奇大破之王時將南門外
兵功最多遂與馮國勝等追蹙聯捷復太平遂攻安慶
尋從 上取江州友諒走追破之進營漢江之池口拜
中書省右丞洪都內變還軍討定之遂移兵攻廬州而
友諒悉衆圍洪都 上自將赴之召王會兵友諒亦解
圍出遇鄱陽湖王先進敗其前鋒攢火力戰以死自誓
乃行脫時張士誠素與友諒約窺建康及是兵相持度
開國臣傳 卷一 三

未即決 上深憂根本命王還守 上既破誅友諒歸
卽 吳王位置中書左右相國時猶仍元故尚右王爲
左相國復從平武昌還復諭王等以更涉世故則智明
久歷患難則慮周今者紀綱法度粗若有緒顧其間或
未盡善諸公宜執正論毋使有既往之悔于是王與右
相國李善長相與推明稱畫一焉取廬州狗湖湘未下
州縣守將楊以德以夷陵降楊興以歸州降師至潭州
上首易舉來降進討周文貴于辰州克其城并克寶慶
召還大會師取張士誠淮東郡邑先克泰州分兵取興
化 上命馮國勝濟師會宜興被寇王渡江救却之還

拔高郵取淮安復率舟師攻安豐克之游兵至穎州獲其耨艘拜大將軍取浙西圍湖州鏖戰皂林舊館得其將士六萬直抵蘇州圍之遣人請事上曰將軍天性忠義軍中稟命此賢臣事君之道吾甚嘉之然將在外君不御自後軍中緩急便宜行吾不中制松江錢鶴皋作亂討平之蘇城堅固之十月乃縛士誠以獻班師封信國公遂議北伐改官尚左相國為丞相王為石丞相拜征虜大將軍副以鄂國公甲士二十五萬大集諸將諸將軍非不善鬪然能持重師有紀律戰勝攻取得為之懼者毋如大將軍宜額中軍策厲羣帥運籌決勝不可輕動又謂三關外之寄汝實任之茲行進取必

開國臣傳

四

自山東始大將軍至淮沂州帥王宣與其子信請降復叛急攻下之修宣與其黨十餘人進而益都降其平章老保遂狗濰膠壽光臨淄等諸州邑因兵威除餘樂安淄川遂次濟南與副將軍兵會東昌所過無不降附上即大位立皇太子兼太子少傅賜諸比之太公諸略因泰山東新附州縣及俘獲軍寔之數勒兵至陳橋覘取汴梁守將李克彝震懼時左君弼竹昌皆依焉克彝謂二人數與南師角我率麾下應之君弼曰是未易當也有徐相國者善用兵我見之輒膽落何能戰克

彝乃驅兵民夜開門北走君弼與竹昌率所部迎降大軍入城遂由中潁進略維陽元兵大潰降梁王阿魯溫河南平別將拔潼關守之遣使諭擴郭帖木兒遂狗號州毛葫蘆諸寨收其兵擴廓報聘以白金文馬為饋受馬反金送其使建康上幸汴梁謁行在上勞問宜以時進兵退復召問計對曰大兵平齊魯掃河南擴廓自保不暇何敢離其穴我西據潼關扼天下之脊而守之李思齊張思道魏奪遠竄仗天威取元都當如拉朽上大悅王拜命次河陰副將軍遇春來會仍移頓陳橋上畫陳圖以賜調諸將悉集王復入辭已分兵

開國臣傳

五

進取衛輝彰德廣平王駐臨清諸將畢會遣傅友德開道逼步騎顧時浚開通舟師前下德州取長蘆滄州擒直沽據之作浮橋濟師元丞相也速不戰走抵河西務敗其平章俺克等進抵通州與遇春夾河而軍擒國公卜顏帖木兒等閏七月兩寅入通州其夜三鼓元君聞建德門北遁踰五日進師填濠入陳兵登齊化門執其監國淮王帖木兒不花居守太尉左丞相十餘人戮之時洪武元年八月初三日也封府庫籍圖書金玉以兵千人守宮殿門使宦寺監護餽廩無缺市不易肆捷聞設六衛孫興祖守之詔進兵山西副將軍先下保定河

間真定右副將軍馮宗異已定懷慶度太行取澤潞王
以大軍繼之薛顯傳友德為前鋒略平定州而北時擴
廓方自保安謀險居庸關抵故都王聞謂諸將曰擴廓
兵遠出太原必虛北平孫都督自足抗禦我直走太原
覆其巢所謂批亢擣虛也諸將皆曰善遂抵大原擴廓
皇遽還軍來救鋒銳甚副將軍與王計以步兵未集虜
蹶至可掩取會擴廓部將豁鼻馬約降乃分八道夜襲
之擴廓方燃燭坐帳中使二童子挾書侍卒聞警跳一
足乘驛馬以十八人走大同豁鼻馬降得甲卒及馬各
四萬遂下太原乘勝逼大同擴廓復走甘肅遣顯友德

附國巨傳

卷一

六

以步騎破賀宗哲于西州大將軍自霍下平陽河中
府山西悉平遂渡河鄜城守將迎降克同州趙鹿臺張
思道等聞兵至遁去渡涇渭至三陵坡父老千餘人出
迎王撫慰遣左丞周凱入城中約束明日開城門具威
儀而進秦民大悅改奉元路為西安府副將軍兵逼鳳
翔李思齊走臨洮鳳翔下諸將議所攻皆以張思道才
不如李思齊慶陽易于臨洮請先取慶陽王曰不然思
道自守虜耳城險而兵精卒未易拔臨洮北界河湟西
控羗夷地富而人眾以大兵蹙之思齊不走則降思齊
降全陝皆我有矣遂度隴克秦州走其將呂德張義至

附國巨傳

卷一

七

鞏昌總帥汪靈真保平章梁子中商島等降部將欲
虜下州縣羊不供軍不許曰西北之民素以牧畜為生
今奉命弔伐本以安民若奪其所資彼將何以為生遣
馬平進兵臨洮李思齊降得其眾十餘萬進攻靖寧
走平進兵伯卜哈度六盤山襲走豫王盡獲其部落輜
重使平進兵臨洮張思道懼偕其弟良臣以兵守而從輕
騎五千平卒六千先受之良臣自疑伴伏道左獻牛酒
乘夜襲之顯被傷逃走王怒甚悉軍圍慶陽分布精騎略
其四面賊兵路絕王進逼西門矢石雨下不為動城中
出兵盡殲壯士摧敗之悉捕斬伏兵及請援者并採汲
之人皆盡良臣懼登城請降不聽擴廓遣韓札兒來救
擊走之圍益急其平章姚暉等開門納師良臣父子投
于井出而斬之誅其餘黨陝西悉平詔還京第功宴
諸功臣以王為首稱其克敵攻勝振揚國威撫綏軍民
得大將體賜白金五百兩文幣五十表裏且入金帛
而會擴廓說王還以十萬眾襲蘭州不克敗其眾還
指揮使于光時副將軍卒塞外上乃還王大將軍出
以平章李文忠為副將軍分兵王自潼關出西道搗之
西取擴廓平章自居庸出東道山大漠取元嗣主下

開國臣傳

卷一

八

至定西遇擴廓相持左軍胡德濟被劫而驚親進擊乃定明日戰大破之乃使郵將軍因兵威脇降西番自攻興元取之李平章亦克應昌先後露布聞還京上為幸龍江勞之授王開國輔運推誠宣力武臣特進光祿大夫左柱國太傅中書右丞相參軍國事進封魏國公歲祿五千石予誥券免三死子免二死世襲齊文綺帛百疋是歲辭判省事右丞汪廣洋代明年復佩大將軍印鎮北平以便宜徙山後順寧等處軍民戶三萬五千八百口一十九萬七千餘籍為軍者給月廩為民者給田以耕凡置屯二百五十四定墾田一千三百四十三頃十一月還京五年正月與曹宋二公召宴射賜交趾弓五十彤弓百因諭之曰古者諸侯有四夷功賜之弓矢王等謝知上且再出兵甫旬日上御武樓與計還事曰擴廓游魂尚出沒奈何王遂請行出中路曹公以左副將軍出東路宋公以征西將軍出西路王抵山西境都督藍王為前鋒敗其游騎于野馬川復敗擴廓于土刺河擴廓遁與賀宗哲合兵拒我師于嶺北驟戰不利死者萬餘人王因壘而收之故敵侯功臣無死者虜亦不敢入塞偏將軍湯和遇虜斷頭山亦敗曹公出塞至口溫力戰破虜而道遠乏水其後軍亦為虜所掩

開國臣傳

卷一

九

失侯曹良臣大校數人獨宋公至西涼乘勝窮追盡收其妻子以私匿馬馳故賞不行而上以王功大弗問也連歲出鎮北平練兵築城獲元故官屬及招降甚眾十四年正月故元平章乃兒不花出沒為寇復拜王大將軍率諸將往討四月庚午出塞右副將軍傅友德至北黃河崩騎駭遁友德輕騎夜襲灰山克之盡獲其部落人畜西平侯沐英等略公主山其寨殲其戍卒獲全寧四部以歸復鎮北平歲行盡召還明年春復出塞還休沐宴見歡飲有兄弟稱而王愈恭謹嘗從容謂徐兄功人未可寧止欲以舊邸與之王固辭一日與之邸醉以酒覆被昇臥正寢醒而驚輒俯伏階下呼死罪上益悅命有司即舊邸前治甲第表其坊曰大功又語王天下已定宜少休免朝請固謝不敢蓋知上憂勞天下非人臣自逸時也王長女得尚燕邸每出鎮見王必執臣禮不少間王禮重之胡惟庸為左丞相怙而貪以王元勳貴重欲因以內好惡之不答則賂王閹者福壽使為間事覺王亦不問惟時時為上言惟庸不可過委未幾果敗後在北平疽發背小愈上使其子允恭視之賜璽書召歸疾益甚上憂之為延改名醫祀福無不至十八年二月二十七日薨年五十四上

奔赴勸哭綴朝常然謂平臣人將軍為朕股肱心膂修力行陣東征西討削平羣寇克濟大勲遇者太陰屢犯上將萬里長城一旦奪之悲夫盡心國家為社稷重者寧復有大將軍吾何以報贈中山王諡武寧追封三代皆中山王御製神道碑稱王言簡慮精常提兵之時令出不二諸將敬若神明所至拔城不屠與人不戲凡受命而出及功成而旋每不自矜至于封姑蘇府庫置胡宮美人用寶無所取婦女無所愛忠志無疵昭明乎日月特親筆生前偉績張我威武混一區夏奠安人神之勞仍為歌勒石自王薨 上所授大將軍印獨宋公勝

開國臣傳

卷一

十

宋公玉而頴川侯友德以雲南功進封公然 上待之不知遠甚諸所餽賜惟稱中山王或中山開平並稱比及 文皇尤數數歸重于王王用兵如神善拊循其下得壯士與謀輒不殺恩結為我川所至民皆不擾歸朝單車垂索生平無聲酒伎賡之好過哭見一女以首飾為定後竟不取反資而嫁之親禮儒生與談經術古事雍容如也始 上郊祀後即建功臣廟于雞籠山周王戰功與太廟配享位皆第一至是乃塑像焉 文皇即位祭以一中牢其後因之初娶張氏卒 上為特繼謝氏生子女各四人曰輝祖曰添福曰增壽曰膺緒添福

蚤卒次二女代王安王妃

弁州外史曰 高皇帝之取天下計初下建康而與陳友諒角實在行而他十七皆大將軍力也大將軍之廢靖仁武沉幾策勝即古名世之佐易過焉勞而不伐夙夜匪懈以功名終蓋所以處君臣之際微矣元女侑配英主整其成師于十五年後而資靖難兩都二公光表後裔寵冠羣辟夫豈幸哉

朱史氏曰贊中山王者無知 太祖墓道數語跡其氣象沉雄宏遠驅轡喝虎意氣甚開服事真龍初終不易王佐之優我明盛亦有君有臣蓋皆所謂天縱又多能

開國臣傳

卷一

七

也功名保全良自奉本二子繼起各為向背一瘡死一殊死風雲擾攘之際精采益新上公之為南既復緒北又加親蓋元功大德古今無二報亦如之 文皇后與整成師之云寧亦受授意想之可及乎

輝祖初名名恭長八尺五寸有材氣王數鎮北平留宿衛御家眾肅然理左府事月給祿二十石王薨踰歲襲公以皇太孫嫌名賜今名數往陝西北平山東河南線兵治餉詔仍于太倉支歲祿五千石還公田于官元將阿魯帖木兒隸燕府有異志為告者所發往調實合

捕送誅之還領中府二十九年學正吳政請號別國子
師以公知文同禮部翰林諸臣請監試文藝分別送
吏部銓用 建文皇帝卽位用肺腑與曹公李景隆領
朝班加太子太傅 燕王以屬尊見疑王次子高陽王
高煦時留京竊輝祖善馬逃遽以聞 建文皇帝以是
益親信之輝祖亦秉節無二當為大將北征終以燕戚
屬見左燕兵渡京口猶與開國公常昇等分道出戰甚
力 王下京師獨守先廟弗迎以是羣臣論劾輝祖削
爵勒歸私第終不屈下獄五年死自戕年四十餘萬曆
中鉅忠廟祀居首永樂十八年 上念王功大且以

開國臣傳

卷一

十二

后思俾云欽襲爵盡還諸參歲祿賜田明年來朝乞守
父墓不待命辭 上恨之復削爵徙鳳陽 仁宗卽位
欽來朝詔復故爵尋卒子顯宗嗣嗣二十三年卒無子
弟承宗嗣屢領軍府提督南京守備加太子太傅矜嚴
有成練達政體嗣十六年卒子備嗣備字公輔堂南左
府時南京特重守備位公上備奏乞正名分以定班次
乃得改正尋嘗守備事有衛卒列肆取利奏聞且言侵
及陵塋詔防不盡實被劾亦會星變避位久之仍左府
守備加太子太傅嗣凡五十二年卒年六十八贈太傅
孫鵬舉嗣鵬舉之生也備夢朱岳鄂王入其室故以字

名號篤軒溫厚長者凡三領軍府守備加太子太保晚
節變其妻奏立為夫人欲以其子邦寧稱嫡會有所格
不得立立其庶長子邦瑞自顯宗後世世奉祀 孝陵
鵬舉嗣公凡五十二年卒邦瑞嗣號少軒入朝嗣爵會
穆宗立宿衛凡一年歸養母尋領守備及後府事戊子
大水有假神語為妖者推得其首置之法乃定尋卒年
六十一維志嗣萬曆十一年賜第火所失 太祖手
劄甚多詔南京工部重建卒弘基嗣
增壽機警勇敢善騎射好讀書以父任三遷至左都督
從征胡寇有勞侍宿衛謹實寡過而歸心燕王 建文

開國臣傳

卷一

十二

皇帝一日謂增壽王得無以叔父懷異謀且反對曰
燕王 先帝同氣且富貴已極何故反燕師起為內調
時報虛實 帝漸覺未及問而燕師入召詰不對手劍
斷其腰 燕王入撫屍而哭既卽位追封武陽侯賜諡
忠愍尋進封定國公子景昌嗣歲祿二千五百石恭慎
好學延禮士大夫永樂四年掌左府代祀汴河董修鳳
陽宮殿洪熙元年掌行在後府高煦構逆 宣宗親征
居守 車駕再出巡邊皆扈從凡三十五年卒子顯忠
嗣十二年卒子永寧幼又七年嗣疾失心子半祿罷朝
病二十六年卒妾丁氏縊于寢旌曰貞烈子光祚嗣

領軍府 武宗立舊恩進太傅奉迎 世宗加太師監

修 武肅二朝實錄成加兼太子太師凡四十五年卒

諡榮僖子延德嗣領軍府四十餘年卒子文壁嗣文壁

字國璽號西俞領軍府送潞王之國營壽宮加太保太

傅甲午郊祀加太師壬寅卒諡康惠子延輔先卒孫希

阜嗣卒子允禎嗣嘉靖中詔裁恩澤世封而魏定二公

皆自以功弗奪有言定公功不稱者亦以中山後謂兩

朝並重而恩數則定國常過之

肅緒初為尚寶卿遷大同衛指揮僉事再遷都督僉事

肅緒 太宗朝輝祖增壽皆前卒肅緒以元舅見尊

國臣傳 卷一 十四

範凡有封拜皆遣將命 仁宗立加其子景珩中軍都

督僉事景璿金吾前衛指揮僉事諸孫為指揮弗絕

開平常忠武王

王名遇春字伯仁懷遠人膽力絕人猿臂善射從羣盜

劉聚聚好鹵掠心薄之乙未 高皇駐兵和陽四月來

歸未至困臥田間夢神人披金甲擁盾呼曰起起主君

來忽寤見 上騎從至即迎拜請為先鋒 上曰爾饑

故至此且有故主在吾安得奪之遇春頓首曰劉聚盜

耳無能為也倘得效犬馬力于知者雖死不憾 上猶

弗許曰能相從渡江取太平而後臣我未晚也既渡抵

采石元兵陣磯上其下巨舟如織莫敢先登遇春在傍

上麾之應聲挺戈直前敵接其戈乘勢躍而上大呼力

開國臣傳 卷一 十五

戰殆藉眾軍畢登采之大敗其眾遂取太平授總管府

先鋒進為總管 上既渡而諸將士家屬輜重皆在北

滁和守備單弱元亨丞蠻子海牙擁舟師數萬襲據采

石界其間音問中絕 上自率眾攻之使王多張疑兵

分應既合戰王別操輕舸橫衝其舟分為三縱擊大破

之自是元師扼江之勢衰而南北通矣從取集慶路再

從徐大將軍取鎮江為領軍先鋒大將軍攻常州降卒

叛與張士誠合圍我于牛塘命王濟師以援表裏擊大

破之擒其梟將進統軍大元帥丁酉克常州遷中翼大

元帥尋從大將軍下寧國遂取池州戰功最進行中書